

欽定盛京通志卷之八十九

隱逸

漢

晉

遼

金

明

國朝

欽定盛京通志

卷八十九  
目錄

一

欽定盛京通志卷之八十九

隱逸

臣等謹案遼瀋多名山大川自古隱逸之士  
恒韜跡焉漢李敏晉公孫永其著也遼金以  
還亦時有抱瓊材蘊積學潛德而不耀者採  
其軼事發其幽光謹志隱逸第二十八

欽定盛京通志卷之八十九

隱逸

〔漢〕

李敏襄平人。河內太守。去官還里。公孫度欲用之。敏惡度所爲。恐見害。乃將家屬浮于海。莫知所終。

〔晉〕

公孫永。字子陽。襄平人。幼好學。恬虛。孤樓平郭南山。非身墾殖不食。吟咏崖間。欣然自得。年九

欽定盛京通志

卷八十九隱逸

一

十餘。操尙如一。幕容暉徵之。不屈。王公以下造之。皆不與言。雖經隆冬盛暑。端然自若。後苻堅亦以禮遣使致問。未至而永卒。堅深悼之。諡曰崇虛先生。

〔遼〕

蕭扎拉。字實訥。北府宰相巴雅爾之弟。不事生產。淡泊自如。統和末。召爲南京兵馬都指揮使。以疾求退不許。遷伊勒希巴。又以疾辭。許之。遂入頡山。杜門不出。親友或過之。終日言不及世。

務耶律資忠目之曰。頡山老人蒙也古原語作扎拉刺

實見訥名解宦見名宦原作卷原排擗伊虛勒希巴雅爾見蒙古物語

卷原俱作夷離  
畢今譯改

耶律官努。字希隱。沈厚多學。自言愚鈍不任官

重熙中加歸義軍節度使。輒請致仕。官努與蕭

幹友善。幹謂官努曰。仕不能致主澤民成大功

業。何屑屑為也。吾與若居林下。以枕簟自隨。觴

詠自樂。雖不官無慊焉。官努然之。時稱二逸。官努

原作哇今官譯改  
原

欽定盛京通志

卷八十九隱逸

蕭普爾普。字綏蘭。父母早喪。鞠於祖父烏爾古

納。性孝悌。年十三。烏爾古納卒。自以早失怙恃。

復遭祖喪。哀毀踰禮。族里嘉歎。嘗謂人曰。我於

親不得終養。今雖莫為訓者。苟不自勉。何以報

鞠育恩。自是力學。於文藝無不精。乾統間。以烏

爾古納之故。召之不應。常與親識游獵山水。奉

養無長物。僕隸欣欣如也。或曰。公胡不念以嗣

先世功名。答曰。自度不足以繼先業。年踰強仕

安能益主庇民。累徵皆以疾辭。晚年謝絕人事。

隱居自得。潛心佛書。延有道者談論。彌曰。人間所得何如。但曰。有深樂。惟覺六鑿不相攘。餘無

知者。

唐見古忠節。卷普原作。祥也。原古語。蒲離不。綏藪。

滋生也。原譯改。兀。

〔金〕

李經。字天英。錦州人。作詩極刻苦。能為奇語。不蹈襲前人。李純甫見其詩曰。真今世太白也。再舉不第。拂衣去。歸隱於鄉。南渡後。其鄉帥有表至朝廷。士大夫識之曰。此天英筆也。朝命使倅

欽定盛京通志

卷八十九隱逸

三

本州。竟去。不知所終。劉祁歸潛志云。天英少有異才。入太學肄業。李屏山見其詩。盛稱諸公間。其為詩。妙處人莫能及。號無塵道人。夜雨詩云。燈火萬家夜。蕭蕭簾外聲。晚望云。夕陽萬里眼。人立秋黃中。夜起云。夜半不得月。河漢空星辰。又步雲意云。一片崑崙心。夕陽小烟樹。又四言云。老峯蹙雲。壁立挽秀。林陰灑雨。蒼蒼玉闥。虛明滿鏡。夜氣成晝。皆隱淪以語也。

高仲振。字正之。遼陽人。以家業付其兄。望妻子

入嵩山。博極羣書。尤深於易。及皇極經世書。隱居山中。安貧自樂。不涉城市。山野之人。亦知敬之。常與弟子張潛。王汝梅。行山谷間。人望之。翩翻如神仙。或曰。仲振嘗遇異人。教以養生術。終日默坐。骨節戛戛有聲。所談皆世外事云。按張王潛

汝梅金史皆入隱傳

明

賀士謔。欽之子。欽於晚年。卽隱居醫巫閭山下。士謔性通敏。博極羣書。領弘治壬子鄉薦。抱道自娛。絕意仕進。陳白沙見而稱之。旣領鄉薦。不求仕進。後都御史張文錦薦其才。應詔陳務實學。存敬慎。謹細微。親賢遠邪。十二事。不報。卽辭歸。隱居終身。

國朝

朱國梓。前屯衛人。貢於鄉。崇禎時。徵任兵部主事。不就。清介周慎。陞永平道。值流賊李自成之難。國梓時居海濱。與衆舉義。共請

王師入關。破流賊。旋奉母隱石門寨山中。終身嘯歌。

布衣自樂。

陳景元。奉天人。自號石閭。甘老布衣。恥言名利。  
閩中雷鉉有五布衣詩。石閭居第一。